



1939-2019

1939-2019



ЭНЭРЭНГҮЙ

ШУДАРГА

ТӨВИЙГ САХИХ

БИЕ ДААХ

САЙН ДУРЫН

НЭГДМЭЛ

ТҮГЭЭМЭЛ

ХҮМҮҮНЛЭГИЙН
ТӨЛӨӨ
ХАМТДАА

Монголын улаан загалмай нийгэмлэгийн Эрх зүйн байдлын тухай хуулиар Улаан загалмай нийгэмлэгийг Монгол Улсын нутаг дэвсгэр дээр хүмүүнлэгийн салбарт төрдөө нэмэлт хүч болж ажиллах цорын ганц үндэсний нийгэмлэг мөн болохыг баталгаажуулсан билээ. Манай нийгэмлэг нь төр, захиргааны байгууллагатай харилцахдаа бие даасан байдлаа хадгалж, төрийн хүмүүнлэгийн үйл ажиллагааг хэрэгжүүлэхэд төрдөө нэмэлт хүч болон ажиллаж байна.

МУЗН-ийн "Стратеги - 2020" үйл ажиллагааны хүрээнд гамшгийн бэлэн байдлыг хангах, олон нийтийн гамшгийн эрсдэлийг даван туулах чадавхийг бэхжүүлэх, нийгмийн эрүүл мэндийг дэмжих, зорилтот бүлгийнхний амьдралыг сайжруулах, иргэдийн оролцоотой хүчирхийлэлгүй нийгмийг хөгжүүлэх, үндэсний нийгэмлэгийн тогтвортой хөгжлийг хангахад бидний зорилго чиглэнэ.

АЛСЫН ХАРАА

Хүмүүнлэгийн үнэ цэнийг дээдэлсэн хүнлэг энэрэнгүй нийгмийг хөгжүүлэхэд хувь нэмрээ оруулна.

ЗОРИЛГО

Монголын улаан загалмай нийгэмлэгийн зорилго нь зэвсэгт мөргөлдөөн ба нийтэд учирсан гамшигт байдлын үед хүн амд эрүүл мэнд, нийгэм, сэтгэл зүйн тусламж үзүүлэхээс гадна хүнийг зовлон зүдгүүрт өртөхөөс сэргийлэх, учирсан зовлон зүдгүүрийг хөнгөвчлөх, шударга ёсны зарчимд үндэслэн хүнийг яс үндэс, иргэний харьяалал, угсаа, хэл, арьсны өнгө, нас, хүйс, бэлгийн чиг хандлага, нийгмийн гарал, байдал, хөрөнгө чинээ, эрхэлсэн ажил, шашин шүтлэг, улс төрийн үзэл бодол, боловсролоос үл хамааран хүний аюулгүй байдал, амь нас, эрүүл мэндийг хамгаалах, хүмүүнлэг ёсыг хангахад дэмжлэг туслалцаа үзүүлэх, хүмүүс хоорондын ойлголцол, нөхөрлөл, хамтын ажиллагааг дэмжих, энх тайвныг бэхжүүлэх үйлсэд хувь нэмэр оруулахад оршино.

БИДНИЙ ҮНЭТ ЗҮЙЛ

ХҮМҮҮС

Эмзэг байдлаас гарах арга замаа олоход нь хүмүүст тусалж, тогтвортой үйл ажиллагааны чадавхи бий болгоно.

ШУДАРГА БАЙДАЛ

Бид өөрсдийн үндсэн зарчмын дагуу ил тод, ашиг сонирхлын зөрчилгүй үйл ажиллагаагаа явуулна.

ХАМТЫН АЖИЛЛАГАА

Олон Улсын Улаан загалмай, Улаан хавирган сар хөдөлгөөний дүрэм, журам, үндсэн зарчмын хүрээнд МУЗН-ийн эрх зүйн байдлын тухай Монгол Улсын хуулийн дагуу төр ба бусад хуулийн этгээдтэй, бие даасан байдал, шударга, төвийг сахьсан зарчмаа хадгалж, хамтран ажиллана.

ОЛОН ТАЛТ БАЙДАЛ

Бид хамтран ажиллаж байгаа нийгмийн бүлгүүдийн олон талт байдлыг хүндэтгэн үзэж, Улаан загалмайн гишүүн, сайн дурын идэвхтэн, ажилтантай ялгаварлан гадуурхахгүй, шударга, нэгдмэл зарчмыг баримтлан ажиллана.

МАНЛАЙЛАЛ

Бид манлайлагч болохоо харуулж, Улаан загалмайн үйл ажиллагааг явуулахдаа олон нийтийн эрх, хэрэгцээ, эмзэг байдал болон түүний үр дагаварт анхаарал хандуулан ажиллана.

САНААЧИЛГА

Бид өөрчлөгдөн шинэчлэгдэж байгаа дэлхий дээрх хүмүүний сайн сайхан байдалд заналхийлж буй асуудалд тогтвортой шийдэл олохын төлөө бүтээлч, нэгдмэл, тэгш эрхтэй ажиллана.

АГУУЛГА

Олон улсын Улаан загалмай Улаан хавирган сар
хөдөлгөөний долоон зарчим

6

Мэндчилгээ

7

Олон улсын Улаан загалмай,
Улаан хавирган сар хөдөлгөөн

8

Монголын улаан загалмай нийгэмлэгийн түүх

9

Өнөөдрийн үйл ажиллагаа

10

Гишүүнчлэлийн төрөл

11

Сайн дурын идэвхтэн

11

Удирдлагын бүтэц, зохион байгуулалт

12-14

Гүйцэтгэх удирдлагын бүтэц, зохион байгуулалт

15

Он цагийн товчоон

16-17

Байгууллагын хөгжил

18

Хөтөлбөрүүд

28

Хүүхэд залуучуудын хөгжлийн төв

29

Одон тэмдгүүд

30-31

Хамтын ажиллагаа

30-31

Хөтөлбөрүүд

20-21

Гамшгийн
менежментийн
хөтөлбөр




22-23

Нийгмийн
халамжийн
хөтөлбөр



24-25

Эрүүл мэндийг
дэмжих
хөтөлбөр



26-27

Хүүхэд,
залуучуудын
хөдөлгөөн





ICRC

Олон улсын Улаан
загалмай хороо

ОЛОН УЛСЫН УЛААН ЗАГАЛМАЙ, УЛААН ХАВИРГАН САР ХӨДӨЛГӨӨНИЙ ҮНДСЭН 7 ЗАРЧИМ



Олон улсын Улаан
загалмай Улаан
хавирган сар
нийгэмлэгүүдийн холбоо

ЭНЭРЭНГҮЙ БАЙХ

Олон улсын Улаан загалмай, Улаан хавирган сар хөдөлгөөний хүмүүнлэгийн үйл ажиллагаа нь тулалдааны талбарт шархдагсдад ялгаварлалгүйгээр тусламж үзүүлэх, олон улсын болон үндэсний хэмжээнд хаана ч болов хүнийг зовлон зүдгүүрээс урьдчилан сэргийлэх, хуваалцан хөнгөвчлөх чин хүслээр туслах явдал юм. Түүний зорилго нь хүний амь нас, эрүүл мэндийг хамгаалах, хүнийг хүн ёсоор хүндэтгэх явдлыг хангуулахад оршино. Хөдөлгөөн нь хүмүүсийн хоорондын харилцан ойлголцол, нөхөрлөл, хамтын ажиллагаа болон урт хугацаанд энх тайван байдлыг хөхиүлэн дэмжинэ.

ШУДАРГА БАЙХ

Нийгэмлэг нь хүнийг яс үндэс, арьс өнгө, шашин шүтлэг, нийгмийн давхарга, улс төрийн үзэл бодлоор ялгаварлан гадуурхахгүй. Хувь хүний зовлонг нимгэлж, гагцхүү тэдний хэрэгцээнд тулгуурлах бөгөөд хамгийн хүнд нөхцөлд байгаа хүмүүст эн тэргүүнд анхаарал тавина.

ТӨВИЙГ САХИХ

Олны итгэл найдварыг хүлээхийн тулд Хөдөлгөөн нь сэргэлдсэн талуудын аль нэг талыг баримтлахгүй байх бөгөөд ямар ч үед улс төр, арьс өнгө, шашин, үзэл бодлын шинж чанартай сэргэлдөөнд орж болохгүй.

БИЕ ДААХ

Хөдөлгөөн нь бие даасан байна. Үндэсний нийгэмлэг нь өөрийн улсын төр засгийн хүмүүнлэгийн үйл ажиллагаанд нэмэлт хүч болж, улсын хууль тогтоомжид захирагдахын зэрэгцээ ямар ч үед Хөдөлгөөний зарчимд нийцсэн үйл ажиллагаа явуулж байхын тулд өөрсдийн бие даасан байдлыг ямагт хангаж байх ёстой.

САЙН ДУРЫН БАЙХ

Нийгэмлэг нь тусламж үзүүлэх зорилготой сайн дурын хөдөлгөөн бөгөөд ямар ч үед ашиг олохыг эрмэлзэх ёсгүй.

НЭГДМЭЛ БАЙХ

Аливаа улсад нэг л Улаан загалмай эсхүл Улаан хавирган сар нийгэмлэг байна. Энэ нь бүх нийтэд нээлттэй байх ба хүмүүнлэгийн үйл ажиллагааг нийт нутаг дэвсгэрийн хэмжээнд явуулна.

ТҮГЭЭМЭЛ БАЙХ

Олон улсын Улаан загалмай болон Улаан хавирган сар хөдөлгөөнд аливаа нийгэмлэг бүр тэгш эрхтэй байх ба бие биедээ харилцан туслах талаар адил үүрэг, хариуцлага хүлээдгээрээ дэлхийд түгээмэл шинжтэй байна.





Мэндчилгээ

Монгол Улсын Их Хурал Монголын улаан загалмайн нийгэмлэгийн эрх зүйн байдлын тухай хуулийг 2016 оны 1 дүгээр сард шинэчлэн баталж, Монголын улаан загалмай нийгэмлэг нь хөдөлгөөний дүрэм, үндсэн зарчим болон Женевийн конвенци, нэмэлт протоколуудыг хэрэгжүүлэх, төрийн хүмүүнлэгийн үйл ажиллагаанд нэмэлт хүч болж, дэмжлэг үзүүлэх зорилгоор сайн дурын үндсэн дээр эвлэлдэн нэгдэж, өөрөө удирдах ёсны зарчимд суурилж үйл ажиллагаа явуулдаг, ашгийн төлөө бус, татвараас чөлөөлөгдсөн, үндэсний хүмүүнлэгийн байгууллага мөн болохыг тодорхойлов.

Монгол Улсын Засгийн Газраас 2016 оны 5 дугаар сард төр Монголын улаан загалмай нийгэмлэгийн хамтын ажиллагааны зөвлөлийг байгуулж хүмүүнлэгийн чиглэлээрх Засгийн газрын зарим үүргийг Монголын улаан загалмай нийгэмлэгээр гүйцэтгүүлэхээр боллоо.

Монголын улаан загалмай нийгэмлэг нь Олон улсын Улаан загалмай Улаан хавирган сар нийгэмлэгүүдийн холбоо, Олон улсын Улаан загалмай хороо, Их Британи, Австрали, Финлянд, Норвеги, Нидерланд, Япон, БНСУ, БНХАУ, Итали зэрэг орны Улаан загалмай нийгэмлэгүүдтэй идэвхтэй хамтран ажиллаж байна.

Тогтвортой хөгжлийн төлөө НҮБ-ын Хөгжлийн хөтөлбөр, НҮБ-ын Хүүхдийн сан, НҮБ-ын Хүн амын сан, Европын холбоо, Азийн гамшгийн бэлэн байдлын төвтэй хамтын ажиллагаагаа өргөжүүлж байна.


Гамшгаас урьдчилан сэргийлэх, бэлэн байдлыг хангах, хор уршгийг арилгах, эмзэг бүлгийнхний амьдралыг сайжруулах, нийгмийн эрүүл мэндийг дэмжих, иргэдэд эрүүл зөв амьдрах дадал чадварыг төлөвшүүлэхэд Монголын улаан загалмай нийгэмлэг Онцгой байдлын ерөнхий газар болон төв, орон нутгийн төрийн болон төрийн бус байгууллагуудтай хамтран бодитой хувь нэмэр оруулж байна.

Олон улсын Улаан загалмай Улаан хавирган сар хөдөлгөөний энэрэнгүй байх, шударга байх, төвийг сахих, бие даах, сайн дурын байх, нэгдмэл байх, түгээмэл байх 7 үндсэн зарчмыг хүлээн зөвшөөрсөн бүх хүнд МУЗН-д гишүүнээр элсэх, Сайн дурын идэвхтэн байх боломж нээлттэй юм.

Хүмүүнлэг иргэний ардчилсан нийгмийг хөгжүүлэхийн төлөө, улс орныхоо тогтвортой хөгжилд бодит хувь нэмэр оруулахын төлөө хүмүүнлэгийн үйлсэд нэгдэж, МУЗН-ийн гишүүн, Сайн дурын идэвхтэн, Гишүүн хүмүүнлэгийн байгууллага болж, бидэнтэй хамтран ажиллахыг бүх хүнд хандан уриалж байна.


ХҮМҮҮНЛЭГИЙН ТӨЛӨӨ ХАМТДАА!

МУЗН-ийн Ерөнхийлөгч


Н.Энхболд

МУЗН-ийн Ерөнхий нарийн бичгийн дарга


Н.Болормаа



АНРИ ДЮНАН /1828-1920/

ОЛОН УЛСЫН УЛААН ЗАГАЛМАЙ УЛААН ХАВИРГАН САР ХӨДӨЛГӨӨНИЙ ТҮҮХ

Улаан загалмай Улаан хавирган сар хөдөлгөөнийг Нобелийн шагналтан, Швейцарийн иргэн Анри Дюнан үүсгэн байгуулсан түүхтэй.

Анри Дюнан Сольфериногийн тулалдааны талбарт эндэж, шархадсан цэргүүдэд эмнэлгийн анхны тусламжийг аль ч тал, хэнийг ч үл ялгаварлан шуурхай хүргэж, хүнлэг энэрэнгүй үйл ажиллагааг удирдан зохион байгуулжээ. Улмаар тэрбээр 1862 онд "Сольфериногийн дурьдатгал" нэртэй дурсамжийн ном бичсэн байна.

Олон улсын Улаан загалмай хөдөлгөөнийг 150 гаруй жилийн өмнө Швейцарийн иргэн Анри Дюнан үүсгэн байгуулсан түүхтэй.

Сольфериногийн тулалдааны талбарт эндэж шархдсан цэргүүдэд эмнэлгийн анхны тусламжийг аль ч тал, хэнийг ч үл ялгаварлан шуурхай хүргэж, хүнлэг энэрэнгүй үйл ажиллагааг Анри Дюнан удирдан зохион байгуулжээ.

1863 онд Анри Дюнан дөрвөн иргэнтэй нэгдэн "Тавын хороо" буюу шархдагсдад туслах олон улсын хороог байгуулсан нь Улаан загалмай хөдөлгөөний суурь болж, хожим Олон улсын Улаан загалмай хороо болж өргөжжээ.

Швейцарийн Засгийн газрын санаачлагаар 1864 оны 8 дугаар сард Женев хотноо зохион байгуулсан дипломатын бага хуралд 12 орны Засгийн газрын төлөөлөгчид оролцон "Дайтаж байгаа армийн шархадсан цэргүүдийн нөхцөлийг хөнгөвчлөх тухай" гэрээнд гарын үсэг зурж, баталгаажуулсан байна. Уг гэрээ хүн төрөлхтний түүхэнд "Женевийн анхдугаар конвенци" буюу олон улсын хүмүүнлэгийн анхны хууль болсон юм.

Эдүгээ Улаан загалмай хөдөлгөөн нь Олон улсын Улаан загалмай хороо, Олон улсын Улаан загалмай Улаан

хавирган сар үндэсний нийгэмлэгүүдийн холбоо, Үндэсний Улаан загалмай Улаан хавирган сар нийгэмлэгүүд гэсэн бүтэцтэй ажиллаж байна.

Олон улсын Улаан загалмай хороо зэвсэгт мөргөлдөөн болон бусад хүчирхийлэлд өртөгсдийг хамгаалж, тэдэнд тусалдаг бие даасан, төвийг сахисан байгууллага юм.

Олон улсын Улаан загалмай ба Улаан хавирган сар нийгэмлэгүүдийн холбоо нь дэлхийн 190 орны үндэсний нийгэмлэгийг эгнээндээ нэгтгэсэн дэлхийн хүмүүнлэгийн сүлжээ байгууллага юм. Эдүгээ холбооны эрхэм зорилго бол хүмүүнлэг үйлсийг дэлгэрүүлж, эмзэг байдалд байгаа иргэдийн амьдралыг дээшлүүлэхэд чиглэж байна. Холбоо нь НҮБ-д ажиглагчийн статустай бөгөөд хүмүүнлэгийн үйл ажиллагааг НҮБ болон бусад хамтрагч талуудтай нягт хамтран зохион байгуулдаг.

Тухайн улс оронд нэг л Үндэсний нийгэмлэг үйл ажиллагаагаа явуулах бөгөөд Олон улсын Улаан загалмай ба Улаан хавирган сар хөдөлгөөний зарчмуудыг баримтлан төрдөө нэмэлт хүч болон хүмүүнлэгийн үйл ажиллагааг сайн дурын идэвхтнүүдэд түшиглэн явуулж байна.

МОНГОЛЫН УЛААН ЗАГАЛМАЙ НИЙГЭМЛЭГИЙН ТҮҮХ



1950-иад он

МУЗН-ийн Сайн дурын идэвхтнүүд хөдөө орон нутагт ажиллаж байгаа нь

Дэлхийн II дайны нөхцөл байдал олон оронд үүссэн тэр үед Халх голын тулалдаан эхэлж, Улсын Бага хурлын Тэргүүлэгчид «Монголын хэрээстийн эвлэл» байгуулах тухай шийдвэр гаргасан бөгөөд улмаар 1939 онд МУЗН-ийг байгуулсан байна.

БНМАУ-ын Бага хурлын тэргүүлэгчдийн тогтоолд ард түмний эрүүл мэндийг хамгаалахад олон түмний хүчийг татан оролцуулах, иргэдэд эмнэлгийн түргэн тусламж үзүүлэх мэдлэг олгох, орон нутагт Улаан хэрээстийн эвлэлийг сурталчилж, анхан шатны байгууллагууд бий болгох тухай заасан байна.

Халхын голын дайны үед шархадсан цэргүүдэд эмнэлгийн тусламж үзүүлэхийн тулд бүлгэм, дугуйлан байгуулан хичээллүүлж, сайн дурынхныг сургаж байв. Дайны дараа Улаан хэрээстийн эвлэл нь улс орны гадаад, дотоод нөхцөл байдлаас шалтгаалан сайн дурын морьт хороотой нэгдэн ажиллаж байжээ.

1954 онд Улаан загалмайн хороог бие даан сэргээн байгуулах шийдвэр гарч, Монголын Улаан Соёмбын нийгэмлэг болон дүрмээ баталж, үйл ажиллагаагаа идэвхжүүлсэн байна.

Улмаар гадаад хамтын ажиллагаа өргөжин, “Соёмбо” хэмээх үгийг Женевийн конвенцид нийцүүлэн Монголын Улаан Загалмай Нийгэмлэг хэмээн нэрээ өөрчилжээ.

Олон улсын Улаан загалмай Улаан хавирган сар нийгэмлэгүүдийн холбоонд элсэх хүсэлтээ илгээж, 1959 оны 9 дүгээр сард 15-ны өдөр Олон улсын Хүмүүнлэгийн хуульд нэгдэн орж, Монголын улаан загалмай нийгэмлэг нь Олон улсын Улаан загалмай, Улаан хавирган сар нийгэмлэгүүдийн Холбооны 84 дэх гишүүн байгууллага болсон юм.

Олон улсын Улаан загалмай, Улаан хавирган сар хөдөлгөөний дүрэмд “Олон улсын Хүмүүнлэгийн эрх зүй, Женевийн конвенцид улс орнуудын Засгийн газар нэгдэн орсноор тухайн улсад цорын ганц үндэсний Улаан загалмай нийгэмлэг байгуулагдан хүмүүнлэгийн үйл ажиллагаа явуулна” гэж заасан байдаг.

МУЗН нь социалист нийгмийн үед ард түмний эрүүл мэндийг хамгаалах, өвчнөөс урьдчилан сэргийлэх, иргэний хамгаалалтын ажлыг гардан зохион байгуулах, ариун цэврийн эргүүл, нөхөрлөлийн бэлэн байдал, бэлтгэл сургалтыг хариуцаж байлаа.

Мөн энэрэнгүй үзэл, хүнлэг ёс суртахууныг төлөвшүүлэх, эмзэг бүлгийн иргэдэд нийгмийн халамж үзүүлэх, авлагагүй донорын хөдөлгөөнийг өрнүүлэх чиглэлээр ажиллаж байв.

Монгол Улсын Их Хурал 2000 оны 4 дүгээр сард баталсан МУЗН-ийн Эрх зүйн байдлын тухай хуулиар Улаан загалмай нийгэмлэгийг Монгол Улсын нутаг дэвсгэр дээр хүмүүнлэгийн салбарт төрдөө нэмэлт хүч болж ажиллах цорын ганц үндэсний нийгэмлэг мөн болохыг баталгаажуулсан юм. 2016 оны 1 сард Монгол Улсын Их Хурал МУЗН-ийн эрх зүйн байдлын тухай хуулийг шинэчлэн батлав.

Эдүгээ МУЗН нь төр, захиргааны байгууллагатай харилцахдаа бие даасан байдлаа хадгалж, төрийн хүмүүнлэгийн үйл ажиллагааг хэрэгжүүлэхэд төрдөө нэмэлт хүч болон ажиллаж байна.

МУЗН нь эрүүл мэнд, анхны тусламж үзүүлэх, гамшгаас урьдчилан сэргийлэх, гамшгийн үеийн бэлэн байдлыг хангах, нийгмийн эмзэг байдлыг бууруулах, цусны донорыг эгнээг өргөтгөх, сүрье, ДОХ болон ХДХВ-ийн халдвараас сэргийлэх болон хүүхэд залуучуудыг Улаан загалмайн хөдөлгөөнийг өрнүүлэх чиглэлээр идэвхтэй ажиллаж байна.

ӨНӨӨДРИЙН ҮЙЛ АЖИЛЛАГАА

703

анхан шатны хороо

14800

мэргэшсэн сайн
дурынхан

34

дунд шатны
хороо

78600

өсвөрийн Улаан
загалмайч

249770

гишүүд, дэмжигчид

18200

Залуучуудын
Улаан загалмайч

46500

Онцгой гишүүд

Хүмүүнлэгийн

750

гишүүн байгууллага

Хүмүүнлэгийн
үндэсний сүлжээ
болон өргөжиж
байна.

32966

хүндэт донортой

ГИШҮҮНЧЛЭЛИЙН ТӨРӨЛ

Монголын улаан загалмай нийгэмлэгийн гишүүнчлэл нь Татвар төлөгч гишүүн, Ивээн тэтгэгч гишүүн (онцгой), Гишүүн хүмүүнлэгийн байгууллага гэсэн төрлүүдтэй байна.



ТАТВАР ТӨЛӨГЧ ГИШҮҮН нь МУЗН-ийн анхан шатны хороонд бүртгэлтэй, үйл ажиллагаанд нь манлайлан оролцдог, гишүүний жилийн татварыг тогтмол төлдөг байна.



ИВЭЭН ТЭТГЭГЧ ГИШҮҮН (онцгой) нь МУЗН-ийн анхан шатны хороонд бүртгэлтэй, үйл ажиллагаанд тогтмол оролцож, хандив, дэмжлэг байнга үзүүлдэг гишүүн байна. Ивээн тэтгэгч гишүүний хандивын хэмжээ, баталгаажилтыг Дүрэм хэрэгжүүлэх журамд заасны дагуу зохицуулна.




ГИШҮҮН ХҮМҮҮНЛЭГИЙН БАЙГУУЛАГА нь МУЗН-ийн эрх зүйн байдлын тухай Монгол Улсын хууль, энэхүү дүрмийг дэмжин хүмүүнлэгийн үйлсэд хамт олноороо нэгдэн хамтран ажилладаг, Дүрэм хэрэгжүүлэх журамд заасны дагуу хөрөнгө санхүүгийн хандив, дэмжлэг үзүүлдэг аж ахуйн нэгж, байгууллага, хамт олон байна.

МУЗН-ИЙН САЙН ДУРЫН ИДЭВХТЭН

МУЗН-ийн Сайн дурын идэвхтэн нь Хөдөлгөөний үндсэн зарчмыг хүлээн зөвшөөрч, оршин суугаа нутаг дэвсгэрийнхээ МУЗН-ийн аль нэг шатны хороонд бүртгүүлж, Улаан загалмайн үйл ажиллагаанд тогтмол идэвхтэй оролцож, нийгэм, хүний сайн сайхны төлөө сайн дураараа ажилладаг иргэн байна.



МОНГОЛЫН УЛААН ЗАГАЛМАЙ НИЙГЭМЛЭГИЙН УДИРДЛАГЫН БҮТЭЦ



МУЗН-ИЙН УДИРДАХ ЗӨВЛӨЛ



Н.Энхболд
МУЗН-ийн Ерөнхийлөгч,
УИХ-ын гишүүн

ГИШҮҮД



Б.Батцэцэг
Гадаад харилцааны
яамны дэд сайд



Т.Бадрал
Онцгой байдлын
ерөнхий газрын дарга,
бригадын генерал



Г.Бадамцэцэг
СХД-ийн Улаан загалмайн Анхан
шатны хорооны дарга



Т.Гантөмөр
Ивээн тэтгэгч, Онцгой
гишүүн



Х.Баттогтох
Хүүхэд, залуучуудын улаан
загалмайн хөдөлгөөний Тэргүүн



А.Дэлгэрмаа
Ивээн тэтгэгч,
Онцгой гишүүн



М.Ерболот
Дархан-Уул аймгийн Улаан
загалмай хорооны төлөөлөгч



Б.Жаргалсайхан
Чингэлтэй дүүргийн
Улаан загалмайн хорооны тэргүүн



С.Золжаргал
Ивээн тэтгэгч, онцгой гишүүн



Х.Нямбаатар
Улсын Их Хурлын гишүүн



Л.Саянаа
Шадар сайдын ажлын
албаны дарга бөгөөд ахлах
зөвлөх



Я.Содбаатар
УИХ-ын гишүүн



М.Халтар
Нийслэлийн халамжийн
газрын хэлтсийн дарга



Ц.Пүрэвдаш
Яаралтай тусламжийн
төвийн дарга



Л.Эрдэнэчимэг
Ивээн тэтгэгч,
Онцгой гишүүн



Н.Эрдэнэбаяр
Цус сэлбэлт судлалын
үндэсний төвийн дарга

Дүрмийн хорооны гишүүд



Б.Батшагай
Дүрмийн хорооны дарга
Онцгой гишүүн, Хуульч

ГИШҮҮД



Б.Бат-Эрдэнэ
Онцгой гишүүн, Хуульч



Ц.Дүүрэнбилэг
Онцгой гишүүн



Ц.Нацагдолгор
Онцгой гишүүн



Р.Отгонбаяр
НИТХ-ын Эрхзүйн шинэтгэл,
иргэний оролцооны хэлтсийн
дарга, хуульч



Т.Цолмон
Эрдэнэс Таван толгой ХК-ний
Хуулийн хэлтсийн дарга,
Онцгой гишүүн



Б.Батнасан
Нийслэлийн иргэдийн
хурлын төлөөлөгч,
Онцгой гишүүн

Санхүүгийн хорооны гишүүд



Б.Отгонцэцэг
Санхүүгийн хорооны дарга,
Сангийн яамны мэргэжилтэн
Мэргэшсэн нягтлан бодогч,
Онцгой гишүүн

ГИШҮҮД




Ц.Долоонжин
Мэргэшсэн нягтлан
бодогч,
Онцгой гишүүн



Б.Эрдэнэбаатар
Роснефть Монгол
ХХК-ны ахлах
Эдийн засагч,
онцгой гишүүн

МУЗН-ИЙН ЕРӨНХИЙ НАРИЙН БИЧГИЙН ДАРГЫН БҮТЭЦ, ЗОХИОН БАЙГУУЛАЛТ





ОН ЦАГИЙН ТОВЧООН

1939

“Монголын улаан хэрээстийн эвлэл”-ийн анхдугаар Их хурал 4 дүгээр сарын 30-нд Улаанбаатар хотноо хуралдаж, анхны дүрмээ баталжээ. Энэ өдрийг Монголын Улаан загалмай нийгэмлэг (МУЗН) байгуулагдсан өдөр гэж тэмдэглэдэг.

1958

Олон улсын хүмүүнлэгийн хууль болсон 1949 оны Женевийн конвенцийг Монгол Улсын Засгийн газар соёрхон батлав.

МУЗН Олон Улсын Улаан Загалмай, Улаан хавирган сар нийгэмлэгүүдийн Холбоонд 84 дэх гишүүнээр элсэв.

1959

1994

МУЗН-ийн Хөгжлийн хөтөлбөрийг дэмжиж, Олон улсын Улаан загалмай, Улаан хавирган сар нийгэмлэгүүдийн холбооны суурин төлөөлөгч Монголд Улсад ажиллаж эхлэв.

1998

МУЗН-ийн ээлжит бус Их хурал хуралдаж, нийгмийн шинэчлэл, олон улсын үндэсний нийгэмлэгүүдийн жишигт нийцүүлэн нийгэмлэгийн шинэчилсэн дүрмийг батлан, үйл ажиллагааны үндсэн чиглэлийг тодорхойлж, өөрчлөлт шинэчлэлийг эхлүүлэв.

Улсын Их хурал МУЗН-ийн Эрх зүйн байдлын тухай хуулиар Улаан загалмай нийгэмлэгийг Монгол Улсын нутаг дэвсгэр дээр хүмүүнлэгийн салбарт төрдөө нэмэлт хүч болж ажиллах үндэсний нийгэмлэг мөн болохыг баталгаажуулав.

2000

2004

Хүмүүнлэг энэрэнгүй үйлсэд бодитой хувь нэмэр оруулсан хүмүүсийг “Нигүүлсэнгүй үйлстэн” – зэр шалгаруулан алдаршуулах ажиллагааг жил бүр уламжлал болгон зохион байгуулдаг болов.

2009

МУЗН үүсэн байгуулагдсаны 70 жилийн түүхт ой, “Хүмүүнлэгийн аяны жил”-ийг орон даяар зохион байгуулав. Монгол Улсын Засгийн газар Олон улсын хүмүүнлэгийн эрх зүйг хүндэтгэн сахиx, хэрэгжүүлэх асуудлыг эрхлэх үүрэг бүхий “Үндэсний хороо” байгуулагдав.

2010

МУЗН-ийн ээлжит XII Их хурал “МУЗН-ийн тогтвортой хөгжлийг хангаж ажиллацгаая” уриан дор болж, 2015 он хүртэл баримтлах стратеги зорилтоо тодорхойлон, дүрмээ шинэчилж батлав.

Монгол Улсын Засгийн газар “МУЗН – Засгийн газрын хамтын ажиллагаа”-ны чиглэлийн тухай тогтоол гаргав.

Жил бүрийн тавдугаар сарын 8-ныг Үндэсний хэмжээнд “Хүмүүнлэгийн өдөр” болгон тэмдэглэж байхаар шийдвэрлэв.

2011

2015

Сайн дурын ажилтны Үндэсний форум, бүсчилсэн уулзалт зохион байгуулав.
Зүүн өмнөд азийн Үндэсний нийгэмлэгийн удирдагчдын уулзалт болов

Үндэсний чуулган хуралдаж, “Стратеги-2020” болон МУЗН-ийн дүрэм зэрэг бодлогын баримт бичгүүдийг Олон улсын Улаан загалмайн стратегид нийцүүлэн баталлаа.

6 сар – “МУЗН-ийн түншлэл” олон улсын уулзалтыг зохион байгуулж, Олон Улсын Улаан загалмай Улаан хавирган сар нийгэмлэгүүдийн холбоо, Олон улсын Улаан загалмайн хорооны удирдлагууд болон 10 гаруй орны төлөөлөгчид оролцон гадаад харилцаа, хамтын ажиллагааны шинэ үеийг эхлүүлэв.

10 сар – МУЗН-ийн 75 жилийн ой болон бодлогын хөгжлийн асуудлаар Үндэсний зөвлөлдөх уулзалтыг зохион байгууллаа. Энэхүү арга хэмжээгээр үндэсний нийгэмлэгийн хүчин чадлыг бэхжүүлэх, шинэчлэлийн үйл ажиллагааг эрчимжүүлэх зорилтыг тодорхойлов.

УИХ-ын нэр бүхий гишүүдээс бүрдсэн Улаан загалмайн үйл ажиллагааг дэмжих “Парламентын нөхөд” бүлгийг байгуулав.

Байгууллагын хөгжлийн (ОСАС, БОСА) үнэлгээ хийж эхлэв

2014

2017

Зуудад нэрвэгдсэн 8880 өрхөд 3 тэрбум төгрөгийн тусламж үзүүллээ.

Хүүхэд залуучуудын хөгжлийн төвийг байгууллаа.

Зүүн азийн 105 улаан загалмайч хүүхдүүдийн зуслан цугларалтыг зохион байгуулав.

Ази номхон далайн орнуудын гамшигтай тэмцэх багийн сургалт зохион байгуулав.

Гамшгийн үед ажиллах 315 сайн дурын идэвхтэнг бэлтгэв.

2016

Монголын улаан загалмай нийгэмлэгийн эрх зүйн байдлын тухай хуулийн шинэчилсэн найруулгыг УИХ баталж, хүмүүнлэгийн салбарт төрдөө нэмэлт хүч болох Үндэсний хүмүүнлэгийн байгууллага мөн болохыг баталгаажуулав.

Үндэсний чуулганыг хуралдуулж, Монголын улаан загалмай нийгэмлэгийн эрх зүйн байдлын тухай хуульд нийцүүлэн Дүрэм, Стратеги-2020 зэрэг бодлогын баримт бичгүүдийг шинэчлэн баталлаа.


Түншлэл Олон улсын хамтын ажиллагааны уулзалт зохион байгуулав.

БАЙГУУЛЛАГЫН ХӨГЖИЛ

СТРАТЕГИЙН ЗОРИЛГО

Гишүүнчлэлд суурилсан, сайн дурынхны өргөн сүлжээтэй, хүүхэд залуучуудын хөдөлгөөнийг дэмжсэн, мэргэшсэн хүний нөөц бүхий үндэсний нийгэмлэгийг хөгжүүлнэ.

- Олон улсын Улаан загалмай, Улаан хавирган сар хөдөлгөөний үндсэн зарчим болон эрхэм зорилгыг үндэсний хэмжээнд түгээн дэлгэрүүлнэ.
- Монголын улаан загалмай нийгэмлэгийн гишүүнчлэлийг өргөжүүлнэ.
- Байгууллагын хүчин чадлыг бэхжүүлнэ.
- Хүүхэд залуучууд болон сайн дурын идэвхтнүүдийн оролцоог хангаж, хөгжлийг дэмжинэ.



Улаан загалмайн дунд шатны хороо

ҮЙЛ АЖИЛЛАГААНЫ ЧИГЛЭЛ



- Хүмүүнлэгийн эрх зүйн болон МУЗН-ийн үйл ажиллагааны тухай үндсэн мэдлэг, мэдээллийг байгууллага, аж ахуйн нэгж, иргэдэд өргөн хүрээнд хүргэнэ.
- Монгол Улсын Засгийн газар МУЗН-ийн хамтын ажиллагаа сайжруулна.
- Ерөнхий боловсролын сургуулийн сурагчдад Олон улсын хүмүүнлэгийн эрх зүйн мэдлэг олгох хичээл, сургалтын чанар, хамрах хүрээ сайжирч өргөжүүлнэ.
- Гишүүнчлэлд суурилсан Үндэсний нийгэмлэгийг хөгжүүлснээр олон нийтэд хүрч ажиллах, нийгэмд танигдах чадвар сайжруулна.
- Байгууллагын хүчин чадлыг үнэлэх Олон улсын Улаан загалмай Улаан хавирган сар нийгэмлэгүүдийн холбооны ОСАС үнэлгээний 80-аас доошгүй хувийг хангана.
- Улаан загалмайн хөдөлгөөний үнэт зүйл, шинэлэг арга туршлагад тулгуурлан гишүүд, дэмжигчид, хүүхэд, залуучуудад энэрэнгүй үзэл төлөвшүүлж, хүмүүнлэгийн үйлсэд сайн дурынхны оролцоог бүх шатанд сайжруулна.

ХӨТӨЛБӨРҮҮД

Гамшгийн менежментийн, Нийгмийн эрүүл мэндийг дэмжих, Халамжийн, Хүүхэд залуучуудын хөдөлгөөн гэсэн дөрвөн үндсэн хөтөлбөрийг хэрэгжүүлж байна.

ГАМШГИЙН МЕНЕЖМЕНТИЙН ХӨТӨЛБӨР



НИЙГМИЙН ХАЛАМЖИЙН ХӨТӨЛБӨР



ЭРҮҮЛ МЭНДИЙГ ДЭМЖИХ ХӨТӨЛБӨР



ХҮҮХЭД ЗАЛУУЧУУДЫН ХӨДӨЛГӨӨН





ГАМШГИЙН МЕНЕЖМЕНТИЙН ХӨТӨЛБӨР

ХӨТӨЛБӨРИЙН ЗОРИЛГО:

Иргэдийн амь нас, амьжиргааг гамшиг ослоос сэргийлж, бэлэн байдлыг ханган, нөхөн сэргээх үйл ажиллагааны чадавхийг нэмэгдүүлнэ.

ХӨТӨЛБӨРИЙН ЗОРИЛТ:

Зорилт 1. Гамшгийн эрсдэлийг бууруулах, уур амьсгалын өөрчлөлтөд дасан зохицох хөтөлбөрөөр дамжуулан олон нийтийн даван туулах чадварыг бэхжүүлэхэд Монголын улаан загалмай нийгэмлэг манлайлан оролцоно.

Зорилт 2. Монголын улаан загалмай нийгэмлэг нь байгууллагын хүчин чадлыг нэмэгдүүлж, гамшгийн үед хариу арга хэмжээ авах бүрэн чадавхитай болсон байна





УРЬДЧИЛАН СЭРГИЙЛЭХ, ЭРСДЭЛИЙГ БУУРУУЛАХ ЧИГЛЭЛЭЭР:

- Малчдын бүлгийн үйл ажиллагааг дэмжих, тэднийг гамшгаас хамгаалах тухай сургалтад хамруулна.
- Өвөлжилтийн бэлтгэл ажил хангахад дэмжлэг үзүүлж өвөлжөө шинээр барих засварлахад тусална.
- Дунд шатны хороодоор дамжуулан өвс, тэжээл бэлтгэх, өвөлжилт хүндэрсэн үед хөнгөлттэй үнээр малчдад олгох\эмзэг бүлгийн малчдад үнэгүй өвс тэжээл олгоно.
- Олон нийтийн оролцоотой гал унтраах баг байгуулах, багаж хэрэгслээр хангана.
- Олон нийт рүү чиглэсэн сурталчилгааны материалыг Онцгой байдлын ерөнхий газартай хамтран боловсруулж түгээнэ.
- Олон нийтийн дунд гамшгаас урьдчилан сэргийлэх чиглэлээр сургалт, сурталчилгааны ажлыг зохион байгуулна.

БЭЛЭН БАЙДЛЫГ ХАНГАХ ЧИГЛЭЛЭЭР:

- Гамшгаас хамгаалах ангилалын сургалтыг зохион байгуулахад Гамшгийн менежментийн хөтөлбөр нь Онцгой байдлын ерөнхий газарт дэмжлэг үзүүлж ажиллах бөгөөд Үндэсний нийгэмлэгийн гамшигтай тэмцэх баг, Дунд шатны хорооны гамшгийн хариу арга хэмжээ авах баг, сайн дурын идэвхтнүүдээс бүрдсэн “Анхны тусламж”, “Нийгэм-сэтгэл зүйн дэмжлэг үзүүлэх” баг зэрэг чиглэлийн багийг бэлтгэж дадлаажуулна.
- Гамшгийн үед яаралтай тусламж үзүүлэх гамшгийн яаралтай үеийн нөөцийг бий болгоно.

ГАМШГИЙН ХОР УРШГИЙГ АРИЛГАХ ЧИГЛЭЛЭЭР:

Гамшигт өртсөн иргэдэд яаралтай тусламж үзүүлнэ.

- Тухайлбал өвөлжилт хүндэрч зудын нөхцөл үүссэн үед малчдад бэлэн мөнгөний болон эд материалын тусламж үзүүлнэ.
- Байгалийн гамшигт өртсөн иргэдэд нөхцөл байдлын үнэлгээ дээр тулгуурлан хүнс, хүнсний бус болон сүтгэл санааны тусламжийг цаг алдалгүй хүргэнэ.

НӨХӨН СЭРГЭЭХ, СЭРГЭЭН БОСГОЛТЫН ҮЙЛ АЖИЛЛАГААНЫ ЧИГЛЭЛЭЭР:

- Зудын гамшигт өртөн малаа алдсан иргэдэд амьжиргааны өөр эх үүсвэртэй болон чиглэлээр мэргэшүүлсэн сургалтад хамруулна
- Гамшгийн улмаас орон гэрээ алдсан иргэдэд орон гэр олгох, дулаан хувцас, хөнжил, гудас гэх мэт нэн тэргүүний хэрэгцээг хангах чиглэлээр тусална.
- Гамшигт өртсөн иргэдэд зөвхөн эд материалын бус сэтгэл санааны дэмжлэгийг үзүүлнэ.



НИЙГМИЙН ХАЛАМЖИЙН ХӨТӨЛБӨР

ХӨТӨЛБӨРИЙН ЗОРИЛГО:

Зорилтот бүлгийн хүмүүст нийгэм-сэтгэл зүйн болон нийгмийн халамжийн үйлчилгээг олон нийтэд тулгуурлан хүргэж, хүчирхийлэлгүй, энх амгалан нийгмийг хөгжүүлэхэд хувь нэмэр оруулна.





Хөтөлбөрийн зорилт

- Эмзэг байдлыг бууруулахад олон нийтийн оролцоог нэмэгдүүлнэ.
- Эмзэг бүлгийнхэнд нийгэм-сэтгэл зүйн дэмжлэг үзүүлнэ.
- Төр, захиргааны төв, орон нутгийн байгууллагуудтай хамтран ажиллана.
- Нэн эмзэг бүлгийн хүмүүсийн амьжиргааг дээшлүүлнэ.
- Хүчирхийлэлгүй, энх амгалан нийгмийг төлөвшүүлэхэд дэмжлэг үзүүлнэ.
- Дотоодын шилжин суурьшигч болон тэдний гэр бүлийн гишүүдэд дэмжлэг үзүүлнэ.

ЗОРИЛТОТ БҮЛЭГ

- Өндөр настан
- Хөгжлийн бэрхшээлтэй иргэн
- Өрх толгойлсон эцэг эх
- Шилжин суурьшигч
- Хүчирхийлэлд өртсөн хүн
- Хүүхэд
- Орон гэргүй иргэн

ҮЙЛ АЖИЛЛАГАА

Сургалт сурталчилгаа, мэдээ мэдээлэл, бичиг баримтжуулах, гэрийн эргэлт, нийгэм сэтгэл зүйн дэмжлэг, ариун цэврийн багц, хүнс, түлээ нүүрс өгөх гэх мэт.

- Халамж өргөөгөөр дамжуулан олон нийтэд мэдээлэл хүргэнэ.
- Нийгэмшүүлэх үйл ажиллагаа зохион байгуулна. /сар бүр/
- Зорилтот бүлгийн хүмүүст хүнс, түлээ нүүрс өгнө.
- Төрийн болон Төрийн бус байгууллагатай хамтран олон нийтэд чиглэсэн кампанит ажлыг зохион байгуулна.
- Гэрийн эргэлт, нийгэм сэтгэл зүйн дэмжлэг үзүүлнэ. / ярилцах, сонсох, нийгэм сэтгэл зүйн дэмжлэг үзүүлэх, хүүхэд, өндөр настныг халамжлах, ус зөөж өгөх, хүнс хүргэж өгөх гэх мэт/
- Хүүхэд хамгааллын үйл ажиллагаа зохион байгуулна.
- Мэргэшүүлэх сургалт, ажлын байранд зуучилна.
- Орон гэргүй иргэдэд гэр олгоно.
- Өвлийн улиралд гэр олон байшингийн дулаалгын дэмждэг үзүүлнэ.
- Бичиг баримтжуулна.

СУРГАЛТ

- Сургагч багш бэлтгэх сургалтууд /Хүчирхийллээс урьдчилан сэргийлэх, нийгэм сэтгэл зүйн дэмжлэг үзүүлэх, Хүүхэд хамгаалал, Гэр бүлгийн хүчирхийллийн хууль, Халамжийн хууль гэх мэт/
- Гамшгийн хариу арга хэмжээ авах багт яаралтай үеийн нийгэм сэтгэл зүйн дэмжлэг үзүүлэх сургалт зохион байгуулна.
- Хүйсээр ялгварлан гадуурхалт, хүчирхийллээс урьдчилан сэргийлэх сургалт зохион байгуулна.
- Бичиг баримтжуулах сургалт зохион байгуулна.
- Хүүхдэд зориулсан сэтгэл зүйн анхны тусламжийн сургалт зохион байгуулна.
- Амьдрах ухааны сургалт зохион байгуулна.

ХАМТРАН АЖИЛЛАГЧ БАЙГУУЛЛАГУУД

- | | |
|--------------------------------------|---|
| 1. Хөдөлмөр нийгмийн хамгааллын яам | 7. Замын цагдаагийн газар |
| 2. Боловсрол соёл шинжлэх ухааны яам | 8. Хүүхэд гэр бүл хөгжлийн газар |
| 3. Эрүүл мэндийн яам | 9. ОУУХСНХолбоо |
| 4. Хүчирхийллийн эсрэг үндэсний төв | 10. Английн Улаан загалмай нийгэмлэг |
| 5. Орон нутгийн захиргаа | 11. Австралийн Улаан загалмай нийгэмлэг |
| 6. Цагдаагийн ерөнхий газар | 12. Хүүхэд хамгаалах газар |



ЭРҮҮЛ МЭНДИЙГ ДЭМЖИХ ХӨТӨЛБӨР

Нийгмийн эрүүл
мэндийн үйл
ажиллагааг олон
нийтийн оролцоонд
тулгуурлан
хэрэгжүүлнэ.



ҮЙЛ АЖИЛЛАГАА:

Нийгмийн эрүүл мэндийг дэмжих хөтөлбөр нь нийгэм, олон нийтэд чиглэсэн эрүүл мэндийг дэмжих үйл ажиллагааг нийгэмлэгийн бусад хөтөлбөрүүд, төслүүдийн техник арга зүйн болон санхүүгийн хувьд дэмжигч олон улсын байгууллагууд, үндэсний нийгэмлэгүүдийн дэмжлэг, дотоодын төрийн болон төрийн бус холбогдох байгууллагуудын хамтын ажиллагаан дээр тулгуурлан явуулдаг.

ХӨТӨЛБӨРИЙН ЧИГЛЭЛҮҮД:

- Анхны тусламжийн нөхөрлөлүүд байгуулж, олон нийтэд анхны тусламжийн мэдлэг ойлголт олгох хэрэгцээг сурталчлах;
- Цусны донорын сургалт, сурталчилгааг явуулах үүргийг Донорын тухай хуулиар хүлээсэн тул донорын цусны хэрэгцээ, ач холбогдлын талаар нийгэм, олон нийтэд сурталчлан таниулах, шинээр цусны донорын эгнээг өргөжүүлэхэд дэмжлэг үзүүлэн ажиллах;
- Зонхилон тохиолдох халдварын бус өвчлөл, тэдгээрээс урьдчилан сэргийлэх талаар болон эрсдэлт хүчин зүйлсийн талаар олон нийтэд мэдлэг мэдээлэл өгөх, сурталчлан таниулахад бусад эрүүл мэндийн байгууллагуудтай хамтран ажиллаж дэмжлэг үзүүлэх;
- Амьсгалын замын цочмог өвчлөл болон бусад гоц халдварт өвчнүүдийн цар тахал дэгдэлтийн үед Эрүүл мэнд, спортын яам болон бусад эрүүл мэндийн байгууллагуудад дэмжлэг үзүүлэн тэргүүлэх байрсуурьтай ажиллах;
- Хүн амын дунд нас баралт, эндэгдлийн тоогоор чимээгүй гамшгийн хэмжээнд тооцогддог зам тээврийн ослыг бууруулахад нийгэм, олон нийтэд дэмжлэг үзүүлэх чиглэлээр Замын цагдаагийн газар болон бусад байгууллагуудтай хамтран ажиллах;
- Усны эрүүл ахуй, усаар дамжих халдвар, зөв хэрэглээ, ариун цэврийн байгууламжийн талаар ажиллах;
- БЗДХ/ХДХВ/ДОХ, сүрьеэ өвчинтэй тэмцэх чиглэлээр урьдчилан сэргийлэх талаар болон эрсдэлт хүчин зүйлсийн талаар олон нийтэд мэдлэг мэдээлэл өгөх, сурталчлан таниулахад бусад эрүүл мэндийн байгууллагуудтай хамтран ажиллаж дэмжлэг үзүүлэх;
- Дээрх чиглэлүүдээс гадна Дэлхийн эрүүл мэндийн байгууллага болон Засгийн газрын байгууллагуудаас зарладаг эрүүл мэндийн кампанит ажлуудыг Үндэсний нийгэмлэгийн хэмжээнд зохион байгуулж оролцдог.

ТӨСЛҮҮД:

- Олон нийтэд тулгуурласан эрүүл мэнд анхны тусламж төслийг Финландийн Засгийн газар, Финландийн Улаан загалмай санхүүжилттэй 2016 он хүртэл хэрэгжүүлсэн.
- Залуучууд, хөдөлгөөнт хүн ам, зорилтот бүлгийн хүмүүсийг БЗДХ/ХДХВ-ээс урьдчилан сэргийлэх төслийг Люксембургийн Их гүнт улсын Засгийн газар, НҮБ-ийн Хүн амын сангаас санхүүжилт болон техникийн дэмжлэг авсан.
- Олон нийтэд чиглэсэн анхны тусламжийн сертификат олгох олон төрлийн багц сургалтуудыг зохион байгуулж байна. Мөн халдварын бус өвчний эрсдэлийг бууруулах чиглэлээр байгууллага хамт олонд мэдлэг олгох сургалтуудыг зохион байгуулдаг. Жилд дунджаар 200 орчим хүн төлбөртэй сургалтад оролцож байна.
- Орон гэргүй иргэдийн дунд сүрьеэгийн өвчлөлийг эрт илрүүлэх, оношлох, эмчлэх, улмаар сүрьеэ өвчний тархалтыг бууруулах зорилгоор “Улаанбаатар хот дахь орон гэргүй иргэдийн дунд сүрьеэгийн эрт илрүүлэг, эмчилгээ, хяналт, нийгмийн дэмжлэг” төслийг МУЗН нь Глобал сангийн дэмжлэгтэйгээр 2017 оны 1 дүгээр сараас хэрэгжүүлж эхэлсэн.
- Мөн БНХАУ-ын Улаан загалмай сан, Улаан загалмай нийгэмлэгийн санхүүжилтээр зүрхний төрөлхийн эмгэгтэй 100 хүүхдийг эмчлэх төслийг Шестины нэрэмжит гуравдугаар эмнэлэгтэй хамтран хэрэгжүүлж байна.

Хөтөлбөр нь МУЗН-ийн хамтран ажиллагч бусад Үндэсний нийгэмлэгүүд болон Дэлхийн эрүүл мэндийн байгууллага, НҮБ-ын Хүн амын болон Хүүхдийн сан, Эрүүл мэнд, спортын яам, Нийгмийн эрүүл мэндийн үндэсний төв, Цус сэлбэлт судлалын үндэсний төв, Халдварт өвчин судлалын үндэсний төв, Замын цагдаагийн газар, “Авто радио”- 96,3 гэх мэт байгууллагуудтай байнгын хамтын ажиллагаатай.



ХҮҮХЭД, ЗАЛУУЧУУДЫН ХӨДӨЛГӨӨН

ЗОРИЛГО:

Гишүүнчлэлд суурилсан,
сайн дурынхны өргөн
сүлжээтэй, хүүхэд
залуучуудын хөдөлгөөнийг
дэмжсэн, мэргэшсэн хүний
нөөц бүхий үндэсний
нийгэмлэгийг хөгжүүлнэ.





ҮЙЛ АЖИЛЛАГААНЫ ЧИГЛЭЛ:

- Хүмүүнлэгийн эрх зүй, үндсэн долоон зарчим, Улаан загалмай хөдөлгөөний түүх, үйл ажиллагааг судлан танилцаж, хүнлэг энэрэнгүй үзлийг эзэмшиж, үе тэнгийхэндээ сурталчлан таниулна.
- Хүүхэд залуучуудад Эрүүл мэнд анхны тусламжийн мэдлэг олгох, үе тэнгийн сургагч багшаар бэлтгэх, уралдаан тэмцээн, арга хэмжээнүүдийг зохион байгуулна.
 - Залуучуудад БЗДХ болон түүнийн халдвараас урьдчилан сэргийлэх, эрсдэлийг бууруулах зан үйлийг таниулах, үе тэнгийхэндээ БЗДХ болон ХДХВ/ДОХ-ын талаар үнэн зөв мэдээлэл хүргэх, урьдчилан сэргийлэх талаар нөлөөллийн үйл ажиллагааг зохион байгуулна.
 - Байгалийн гамшиг болон олныг хамарсан халдварт өвчнөөс урьдчилан сэргийлэх, гамшигын эрсдлийг бууруулах, бэлэн байдлаа хангах сургалт сурталчилгаа зохион байгуулах, гамшигт нэрвэгдэгсдэд яаралтай болон нөхөн сэргээх тусламж үзүүлнэ.
 - Анхан шатны хороодод "Тусч" хамтлагийн хөдөлгөөнийг өрнүүлж, нийгэм, хүний сайн сайхны төлөө бусдад туслах, хүнлэг энэрэнгүй үйлсийн ач тусыг сурталчлах, тусч хүүхдүүдийн ажил үйлсийг урамшуулан, алдаршуулна.
- Өсвөр үе, залуучуудыг амьдралын эрүүл зан үйлд уриалж, залуу донорын эгнээг өргөжүүлэх, аюулгүй цус цусан бүтээгдэхүүний хангамжийг сайжруулахад бодитой хувь нэмэр оруулах, Залуу донорын "Клуб-25"-ын үйл ажиллагааг өргөжүүлэн, сурталчилна.
- Хүүхдийн болон залуучуудын оролцооны байгууллага, бүлэг, хамт олонтой хамтран хүүхэд залуус, нийгэм рүү чиглэсэн нөлөөллийн эерэг үйл ажиллагаануудыг зохион байгуулах, мөн бусад орны улаан загалмайн хүүхэд залуучуудтай танилцах, туршлага солилцох уулзалтуудыг зохион байгуулах, олон улсын хэмжээний сургалт, хурал зөвлөлгөөн, чуулгануудад төлөөлөгчдөө илгээнэ.
- Сургууль, амьдарч буй орчныхоо нөхцөлийг сайжруулахад хувь нэмрээ оруулах, хүрээлэн буй байгаль дэлхийгээ хайрлан хамгаалах, цэвэрлэх, цэцэрлэгжүүлэх хөдөлгөөнийг өрнүүлэх, үе тэнгийнхнийгээ уриалах үйл ажиллагаа зохион байгуулна.
- Хүүхэд залуусыг чөлөөт цагаа зөв зохистой өнгөрүүлэх, авьяас чадвараа нээн хөгжүүлэхэд нь бодитой хувь нэмэр оруулах, "Залуучуудын оролцоонд тулгуурлан зан үйлийг нь өөрчлөх нь" аргачлалыг нэвтрүүлж, сургалт, сурталчилгаа болон зуслан цугларалт, уулзалт өдөрлөгүүдийг зохион байгуулах, оролцоог хангана.

ГИШҮҮНЧЛЭЛ:

Монгол Улсын хэмжээнд 78600 Өсвөрийн улаан загалмайн, 18200 гаруй Залуучуудын улаан загалмайн гишүүнтэй.

ХӨДӨЛГӨӨНИЙ БҮТЭЦ, ЗОХИОН БАЙГУУЛАЛТ:

Хөдөлгөөний тэргүүн, зохицуулах зөвлөл, Дунд шатны хороодын дэргэдэх /аймаг, дүүрэг/ өсвөрийн болон залуучуудын улаан загалмайн клубууд, анхан шатны хороодын бүлэг, бүлгэмүүд ажиллаж байна.

ХҮҮХЭД ЗАЛУУЧУУДЫН ХӨГЖЛИЙН ТӨВ



Хүүхэд, залуучуудын хөгжлийн төв нь Төв аймгийн Эрдэнэ сумын нутагт буюу Улаанбаатар хотоос 68км зайтай. Өөрөөр хэлбэл, Цонжинболдогоос чанх хойшоо 8км буюу уул ус, цогцолсон байгалийн үзэсгэлэнт цэлгэр дэнж дээр үйл ажиллагаагаа явуулж байна.

“Хүүхэд, залуучуудын хөгжлийн төв”-ийг 2016 оноос бүтээн байгуулан ашиглаж эхэллээ.

Манай төв нь Улаан загалмайч хүүхдүүд төдийгүй зүүн Азийн хүүхэд, залуучуудыг хүлээн авах хүчин чадалтай олон улсын зуслан болж өргөжиж байна.

ОНЦЛОГ

Хүүхэд, залуучуудын хөгжилд зориулсан төрөл бүрийн арга хэмжээг зохион байгуулна. Үе тэнгийнхнээсээ суралцах, нөхөрлөх, бусдад туслах, хөгжих боломжуудыг бүрдүүлсэн хүмүүнлэгийн үйл ажиллагааг зохион байгуулах юм.

Гамшиг ослоос хэрхэн урьдчилан сэргийлэх, даван туулах чадварыг эзэмшүүлэх, эрүүл мэндийн анхны тусламж үзүүлэх чадварыг хүүхэд, залуучуудад олгох болон хөгжлийн бусад сургалтуудыг хийнэ.

ХҮЧИН ЧАДАЛ



Нэг ээлжиндээ 130 хүн хүлээн авах боломжтой.



Сургалтын танхим, ресторан (хоолны заал) бүхий төв байр



Зуны сургалтын 3 модон байшин



Бүрэн тохижуулсан тохилог 4 ортой 25 гэр



Цэвэр модоор барьсан 4 ортой 6 байшин



Ариун цэврийн иж бүрэн тохилог байгууламж



Гадна талбайн орчин үеийн гэрэлтүүлэг, замтай



Гар бөмбөг, сагс тоглох биеийн тамирын талбайтай.

ОДОН ТЭМДГҮҮД



"ХҮМҮҮНЛЭГИЙН
АЛТАН ОД" одон



"ЭНЭРЭНГҮЙ
ҮЙЛСТЭН" одон



"НИГҮҮЛСЭНГҮЙ ҮЙЛСТ
МАНЛАЙ МАЛЧИН" одон



"НИГҮҮЛСЭЛ"
АЛТАН МЕДАЛЬ



"ЭНЭРЭЛ"
АЛТАН МЕДАЛЬ



"НИГҮҮЛСЭЛ"
МӨНГӨН МЕДАЛЬ



МУЗН-ИЙН
ХҮНДЭТ ТЭМДЭГ



МУЗН-ИЙН
ТЭРГҮҮНИЙ АЖИЛТАН



ХҮНДЭТ ДОНОР



ШИЛДЭГ ЗАЛУУ
АЛТАН МЕДАЛЬ





ТУСЧ ХҮҮХЭД



ТЭРГҮҮНИЙ САЙН
ДУРЫН ИДЭВХТЭН

ГАДААД ХАМТЫН АЖИЛЛАГАА





 **British Red Cross**

 **Australian Red Cross**
THE POWER OF HUMANITY

 **中国红十字会**
Red Cross Society of China

 **Korean Red Cross**

 **日本赤十字社**
Japanese Red Cross Society

 **Finnish Red Cross**

 **Norwegian Red Cross**

 **The Netherlands Red Cross**

 **Swedish Red Cross**

 **Croce Rossa Italiana**

 **Funded by European Union Humanitarian Aid**

 **USAID**
THROUGH AMERICAN PEOPLE





14210 Улаанбаатар хот,
Сүхбаатар дүүрэг,
Энхтайвны гудамж



+976 11 32-33-34



+976 11 32-33-34



info@redcross.mn
www.redcross.mn



www.facebook.com/MongolianRedCrossSociety